



Inatsisartuni ilaasortaq  
Agathe Fontain  
Inuit Ataqaqitiit

**Qaanaami mittarfimmumut aqqusineq akitsuutillu pillugit § 37 naapertorlugu apeqquut nr. 226-mut akissuteqaat**

Brevdato: 09-09-2016  
Sags nr.2016 - 13314  
Dok. nr. 13082942

Asasara Agathe

Aallarniutigalugu Qaanaami aqqusineq biilinullu akitsuutit pillugit apeqquutinnut, Inatsisartut suleriaasianni § 37 naapertorlugu nassiussannut qutsavigaakkitt.

Postboks 909  
3900 Nuuk  
Tlf.: (+299) 34 50 00  
Fax: (+299) 32 52 86  
E-mail: isan@nanoq.gl  
www.naalakkersuisut.gl

**Apeqquut 1.**

**Qaanaami mittarfimmumut aqquserngup ikaartarfittaa ukiut tamaasa kuugussaasussaajunnaarlugu suliarineqarniarpa?**

*Akissut:*

Qaanaami aqqusernemi pissutsit uteqattaartuutut, ukioq mannalu immikkut pisutut aqqusernup annertuumik ajoqusernera Naalakkersuisut eqqumaffigaat. Aqqusernarnik sanaartornerit ingerlatsinerillu nalinginnaasumik kommunit isumagisassaraat, kisiannili Qaanaami mittarfimmumut aqqusineq immikkooruteqarluinnartumik kommunimut tunniunneqarsimangilaq, taamaattumillu Namminersorlutik Oqartussat sulii ingerlanneqarneranut akisussaasuupput.

Taamaattumik Ineqarnermut, Sanaartornermut Attaveqaqatigiinnermullu Naalakkersuisoqarfik siunissamut ungasissumut aaqqiissutissamik suliaqarnerup ingerlaqqinnissaa pillugu misissuinissamik siunnerfeqarpoq. Tassunga ilanngullugu siullertut pingaarnertullu aaqqiissutissat aalajangersimasut misissorneqassapput, kisiannili aamma suliap ingerlanerani aqqusernup qanoq iliorluni qanorlu atugassaqaqtitsilluni kommunimut tunniunneqarnissaa eqqarsaatigeqqinneqarsinnaavoq.

**Apeqquut 2.**

**Qaanaami aqquserngit ima ajortigaat, asfalteqaratik, sialerluarsimatillugu sioqqat aqqusiniuniaraluartut kuugussaaginnaavillutik. Naalakkersuisut pissusissamisut isigaat, biilinit akitsuutit (vægtafgift) aqqusernertut taaneqarsinnaanngingajattunut atuutitissallugit?**

*Akissut:*

Qamutitut motorilinnut akitsuutit qamutit motorillit akileraarutaat pillugit Inatsisartut inatsisissaanni nr. 3-mi, 16. juni 1987-imeersumi, kingullermik Inatsisartut inatsisaatigut nr. 10-kkut. 3. december 2012-imeersukkut allanngortinneqartumi aalajangersarneqarput. Qamutitut motorilinnut nummerpladilinnut tamanut inatsit tunngavigineqarpoq, Naalakkersuisullu isumaat malillugu taassuma Kalaallit Nunaat tamakkerlugu malinneqarnissaa pissusissamisuuginnarpoq. Aqqusernup atorsinnaassusia qalligaaneraluunniit inatsimmi immikkoortinneqanngilaq.

**Apeqquut 3.**

**Naalakkersuisut pilersaaruteqarpat sumiiffimmi taamaattuni akitsuutit atorunnarsinnissaat?**

*Akissut:*

Maannarpiaq qamutit motorillit akileraarutaat pillugit Inatsisartut inatsisissaata nr. 3-p, 16. juni 1987-imeersup, kingullermik Inatsisartut inatsisaatigut nr. 10-kkut. 3. december 2012-imeersukkut allanngortinneqartup iluarsaanneqarnissaa pilersaarutigineqanngilaq.

Inussiarnersumik inuulluaqqusillunga

Knud Kristiansen